



Inatsisartunut ilaasortaq Aleqa Hammond

§36 naapertorlugu apeqqummut, nr. 2010-231

Asasarput Aleqa Hammond

Inatsisartut suleriaasianni § 36 naapertorlugu apeqquteqaatinik makkuninnga Naalakkersuisunut saqqummiussisimavutit:

“Naalakkersuisut ukiut tamaasa Inatsisartunut aatsitassanut nassuiaammik saqqummiussissallutik atorussiasat aatsitassanit pigut pillugit inatsimmi piumasaqaatit naammassinerisigut inatsisiliorneq atuuttoq malinniarpaat?”

Soorunalimi Naalakkersuisut inatsisit atuuttut malinniarpaat taakkualuttaaq ilagaat Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq.(aatsitassanut ikummatissanullu inatsisini) aalajangersagaq, makkuninnga tulleriinnik oqaasertalik:

“§ 4. Akuersissutit tunniunneqarsimasut, akuersissutinik qinnuteqaatit, akuersissutinillu neqerooruteqartitsinissat peræersimasut pilersaarutigineqartullu pillugit Naalakkersuisut ukiut tamaasa nassuiaammik Inatsisartunut saqqummiussisassapput.

Imm.2. Pissutsit imm. 1-imi taaneqartut pillugit ukiut tamaasa nassuiaammik innuttaasunut tamanut Naalakkersuisut saqqummiussisassapput. Nassuiaat Naalakkersuisut Inatsisartunut nassiuittisavaat.”

Imm. 1-imi aalajangersakkap aalajangerpaa inatsit naapertorlugu ukiumoortumik pingaarnerusunik suliniutinik ilaalu ilanngullugit nassuiaammik Inatsisartunut tunniussisarnissamut Naalakkersuisut pisussaaffeqartut. Inatsisartut inatsisaat ulloq 1. januar 2011 atuutilerpoq, taamaattumik ukioq 2010 naammassippat, inatsit naapertorlugu ukiup ingerlanerani suliniutinut nassuiaat siulleq tunniunneqassaaq, tassa imaappoq. 1. januar 2011-p kingorna. Ima isumaqarpoq, Naalakkersuisut § 4 imm. 1 naapertorlugu nassuiaataat inatsisartut 2011-mi upernaakkut ataatsimiinnerannut saqqummiunneqarsinnaasoq.

Nassuiaat tamanut ammasoq, ingerlatsinerit pillugit § 4 imm. 2-mi aalajangersagaq naapertorlugu suliarineqartussaq, 2010-mi inatsit naapertorlugu ingerlanneqareersimasoq, taamatut suliarineqarniarpoq ukiullu 2010-p naanerata kingorna saqqummiunniarneqarniarpoq, tassa 2011-mi.

Inussiarnersumik inuulluaqqusilluta
Med venlig hilsen


Ove Karl Berthelsen

2. november 2010
Sullapnr.
All.upp. Nr.

Postboks 1601
3900 Nuuk
Oqa. (+299) 34 50 00
Allak. (+299) 32 56 00
E-mail: lslin@gh.gl
www.nanoq.gl